

06.10.2020

UKA2020/190

Uunga siunnersuut: Unammilleqatigiinneq pillugu Inatsisartut Inatsisaata allanngortinneqarnissaa pillugu Inatsisartut inatsisaat nr. xx, xx. xxx 2020-imeersoq
(Inuussutissarsiornermut Aatsitassanullu Naalakkersuisoq)

Unammilleqatigiinneq pillugu Inatsisartut Inatsisaata allanngortinneqarnissaanut Naalekkersuisut siunnersuuteqarmata Siumumiit qutsavigaagut imaatunillu oqaaseqarfigissavagut.

Unammilleqatigiinneq pillugu Inatsisartut Inatsisaata allanngortinnissaanut Naalakkersuisut siunnersuutaanut Siumumiit makkua maluginiakkatta ilagaat, Siunnersuutip ingerlatingermi kaaviiartitat taaguutaat allanngortinneqartoq Nunatta iluani namminermi taaguutaasumiit Nunat tamalaat akornanni ingerlatingermi taaguutinngorlugu.

Aammalu maanna atuuttumik tunngaviumik allanngortitsissanngitsoq, kisiannili nalunaarutiginnittup kinaasutaata isertuunneqartussaananerik Inatsisikkut qularnaarneqassalluni, aamma pisortat allaffissornikkut pineqaatissiisutitut akiliisitsissutissamik tuniussisinaanerat tamaallaat atorsinnaasoq unioqqutitsinermi pisuusup nalorninaateqanngiffiani.

Siumumiillu maluginiakkatta ilagaat pingasunut immikkoortinneqartut eqikkaatit.

Siulleg:

Kattunermi kaaviiartitanut tunngasumik taaguut Nunap iluani pissutitut tunngasumiit Nunat tamalaat akornanni aqqissuussinngussasoq.

Aappaat:

Inatsisikkut qularnaarneqarpoq unioqqutitsinermik nalunaarutiginnittarnermik aqqissuussineq-whistleblower-eqarnek tamakkiisumik kinaassutsumik isertuussilluni atortinneqassasoq.

Pingajuat:

Akitsuummik akiliutissamik akiligassiisoqartalissasoq suliani kia pisuuneranik nalornissuteqarfiunngitsuni.

Tusarniaanermi Grønlandsbank aamma Sulisittisut kiisalu Kommune Kujalleq akissuteqarsimasut maluginiakkatta ilagaat, siunnersuullu nalimassarneqartarsimasoq ilaatigut akissutigineqartut tunngavigalugit, Sulisittisullu mianersoqqussutigisimasaata ilaat eqqunngitsumik tunngaveqarluni nalunaarutiginnittarnerit amerleriapiloorsinnaaneri.

Siumumiillu sulissutigeqqarput Ingerlatseqatigiiffiit Nunatsinnit pigineqartut soorlu RG-ip tunisassiorfiutaasa tunineqartut piumasaqaatitallit (Klausul) atorunnaarsinneqarnissaat, siunissamilu tamanna atoqqinneqannginnissaa, Kiisalu ulammillerfiusuni ulammillerfiunngitsunilu RG-ip tunitsiviinni akit assigiisinneqalernissaat.

Tassami RG pinngortitaanngilaq inuiaqatigiinnut akornngusersuisussanngorlugu, pingortitaasorliuna iluaqutissanngorlugu, Soorlu Nunaqarfinni arlaqalersuni tunisassiorfiit ingerlassinnaanngisatit piffinni inuut tunigaangamikkut pisinnaaffisigut killilersortaraat ilisimaneqarmat tassa (klausul)

atorlugu, tamanna qaangiutariaqalerpoq, taamak inuiaqatigiit ikitigaluta taamatut suleriaaseqarneq akuersaaginnarneqarsinnaanngilaq.

Siumumiit taamatut oqaaseqarluta aappassaaniinnginnerani ataatsimiitaliamut susassaqartumut ingerlatipparput, ataatsimiitaliamilu ilaasortat sulilluarnissaannik kissaallugit.

Qujanaq

Henrik Fleischer, Siumut